

IV PREMI LETERARI BIENÂL Dolfo Zorzut – Edizion 2015

Il Comun di Cormons, cul patrocini de Provincie di Gurize, in colaborazion cu la Associazion cormonese "Amîs da Mont Quarine", la Societât Filologjiche Furlane e la ARLeF – Agjenzie regionâl pe lenghe furlane al inmanee il concurs dal "PREMI LETERARI BIENÂL DOLFO ZORZUT" intitulât ae memorie dal scritôr furlan cormonês Dolfo Zorzut.

Il teme dai lavôrs al varà di jessi "Di lûcs di vuere a lûcs di pâs: casermis e teritori tra emozions, ricuarts e sperancis".

Il concurs bienâl si divît in trê sezions:

A. NARATIVE

Premi di **250 euro** o un **weekend par dôs personis** intun dai agriturisims di Cormons par une prose curte o une conte par talian, furlan o sloven.

B. POESIE

Premi di **250 euro** o un **weekend par dôs personis** intun dai agriturisims di Cormons par une poesie par talian, furlan o sloven.

C. STUDENTS

Premi di **250 €** in cedulae acüst libris par **une conte o une poesie** par talian, furlan o sloven.

REGOLAMENT

Art.1 - TESCJ

I tescj di dutis lis sezions A ÀN DI JESSI INEDITS, stampâts su cjarte e disponibii su supuart informatic.

Lis oparis a podaran jessi scritis par talian, furlan o sloven.

Sezion narrative: si domandin tescj di un minim di 3 a un massim di 5 cartelis, di 30 riis par 60 batudis.

Sezion poesie: si domande une racuelte componude di un minim di 3 a un massim di 5 poesiis.

Art.2 — SPEDIZION

I tescj a varan di jessi consegnâts in **cinc copiis in buste sierade**, cun scrit parsore "**IV Premi leterari bienâl Dolfo Zorzut**" e segnade **la sezion** che a concorin. Il scrit o i scrits metûts tal plic a **dovaran jessi anonims** e compagnâts di une **buste sierade** cun dentri il non e cognon, il recapit, il numar di telefon dal autôr e i **titui des oparis**. Par la Sezion students a varan di jessi in plui segnadis la classe e la scuele frequentadis.

La organizazion e garantîs che i dâts personâi furnîts a vignaran doprâts dome ai fins dal concurs tal rispiet de leç 675/96.

I lavôrs a varan di rivâ a la Biblioteche dal Comun di Cormons, Vie Matteotti, 77 – 34071 Cormons.

La consegna e varà di jessi fate par raccomandade cun ricevude A/R o a man, **dentri di misdi dai 15 di Avrîl dal 2015.**

In câs che la buste rivi dopo la date segnade tal regolament, e fasarà fede la date dal bol postâl.

Art.3 - JURIE

I lavôrs a saran giudicâts di une jurie cualificade, componude di membrs nomenâts dai organizatôrs, sielzûts tra esperts dal setôr, insegnants, gjornaliscj o scritôrs.

Lis decisions de jurie a son cence apel. Se la jurie e judicarà che nissun lavôr di une des sezions al mereti il premi, chest nol sarà assegnât, o pûr – in câs di ex-aequo - al sarà dividût in parts compagnis tra lis oparis ritignudis meritoriis de stesse sezion.

Art.4 - OPARIS SEGNALADIS

La Jurie si riserve di segnalâ altris oparis consideradis particolarmentri meritevulis.

Art.5 - DIRIT DI AUTÔR

I lavôrs, ancje se no son premiâts e segnalâts, no saran tornâts indaûr e a restaran di proprietât dal Comun di Cormons che, se al crodarà, al podarà decidi di publicâju. Par chest i participants a varan di meti te buste sierade che si fevele tal art.2 une declarazion che si trate di "opare mai publicade" e il consens preventîf ae publicazion cun rinuncie esplicite a ogni dirit di autôr; no saran comunicâts i judizis su lis oparis no classificadis.

Art.6 - INFORMATIVE

La partecipazion al concurs e compuarte la plene acetazion di chest bant e parie la autorizazion al Comun, de bande dal Autôr, par conservâ i dâts personâi declarâts, intindût che l'ûs di chescj al è colegât al premi e aes operations relativis e che no si varan di doprâ par finalitât diverse di chê previodude.

Art.7 - PREMIAZIONI

La proclamazion dai vincidôrs e dai autôrs segnalâts e sarà fate cun comunicazion scrite ai interessâts, e la cerimonie di premiazion si davuelzarà in ocasion de "**Fieste da Viarte**" ai 24 di Mai dal 2015 aes 7 di sere li di Palaç Locatelli a Cormons.